

"Pro Ecclesia et Pontifice" y musica di guitarra pa W de Graaf

ORANJESTAD, 12 oktober - Diabierna anochi senjor W.H.M. de Graaf, e presidente di Wit Gele Kruis na Aruba, kende ta bai laga e isla aki a ricibi varios sorpresa. El a cuminsa cu un party alegre di despedida ariba e patio di vice presidente Jan Meelis, den Margrietstraat, caminda tur e amigonan di De Graaf a bin hunto pa tuma despedida di dje. E anochi a bira mas

inolvidable ainda ora cu Etty Toppenberg y su trio huasteca a presenta pa duna algun cancion di despedida. E punto culminante a yega ora cu pastoor N. Erkamp di Oranjestad a pone e condecoracion "Pro Ecclesia et Pontifice" (pa iglesia y papa) ariba bachi di senjor De Graaf como un muestra di reconocemento di Iglesia Catolico pa e trabao cu el haci

ariba tereno apostolico como un normal civil.

Na cas di senjor Meelis senjor De Graaf a topa cu e directiva completo di organisacion di Wit Gele Kruis, tambe varios amigonan. Tambe a mostra interes pastoor N. Erkamp di Oranjestad y moederoverste Tharcisia. Senjor Luis Zievinger como secretario di e organisacion tabata promer den dirigi palabra e anochi, yamando tur un bon bini y despues a elogia e presidente pa su trabao.

Palabranan significant tambe a worde papia door di zuster mayor. Perpetua y kende a pone e accento tambe ariba e cooperacion durante e anjanan.

Vice presidente Meelis a bisa cu e baida di senjor De Graaf un episodio di historia di Wit Gele Kruis ta worde cera Aruba. El a conmemora con Wit Gele Kruis na Aruba en berdad a cuminsa oficialmente dia 29 di juli 1959. E fecha ariba cual e acto di organisacion a worde firma.

Orador cu orgullo a participa cu nan tin awor 1.500 miembro, un cuerpo di enfermeranan y asistentenan, cuatro oficina consultorio y varios mas.

Despues di a mostra tambe ariba e trahamento di plan y politica pa e organisacion door di senjor De Graaf, senjor Meelis a entrega un holoshi di man como regalo di e directiva y personal di Wit Gele Kruis. Ariba esaki tabatin un inscription.

Pastoor Erkamp a yama senjor De Graaf mas promer un lider cu un presidente. Masha poco e tabata sinta y a logra di forma un ehemplo pa otro. Pastoor Erkamp a elogia e gran trabao cu De Graaf a haci apesar di su propio trabao y su familia. El a bisa cu De Graaf tabata sabi con pa combina esaki na un manera harmonico y sin ningun tiki di egoismo. Esey ta un di e motibonan pakiko obispo a recomendabo serca Papa pa e condecoracion di "Pro Ecclesia et Pontifice" y cual enberdad a worde duna nabo door di Papa cual awor mi kier entregabo"

Mas laat den anochi e directiva a manda senjor De Graaf kende ya ta na Hulanda un telegrama den cual e ta worde informa tocante di e condecoracion. Senjor De Graaf ta laga Aruba dia binti tres venidero. Segun ta worde spera e lo bai representa Wit Gele Kruis di Aruba serca directiva majoor na Hulanda. E lo establece su mes na Utrecht.



E foto ariba ta muestra nos e momento cu pastoor N. Erkamp di parokia di Oranjestad y advisor espiritual di Wit Gele Kruis na Aruba, ta pone e condecoracion "Pro Ecclesia et Pontifice" di Papa, ariba bachi di senjor W.H.M. De Graaf, presidente di e organisacion Wit Gele Kruis na Aruba. E ceremonia aki a tuma lugar diabierna anochi na cas di e presidente interino di e organisacion, senjora J. Meelis, na ocasion di e echo aki na un dos siman senjor De Graaf ta bai laga Aruba pa establece su mes na Hulanda.

E foto aki den centro ta muestra nos senjor De Graaf, orgullosamente mustrand nos tres di e souernan di Wit Gele Kruis e condecoracion cu el a ricibi pa su trabao cu el a haci na Aruba pa Wit Gele Kruis.

E foto abao nos ta mira senjor De Graaf, presidente di organisacion Wit Gele Kruis na Aruba bailando cu senjora J. Meelis, e presidente interino di e organisacion menciona.